

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### OGASUN, FINANTZA ETA AURREKONTU SAILA

**824/2023 Foru Agindua, abenduaren 21ekoa. 2000ko abenduaren 11ko 880 Foru Agindua aldatu da, zeinaren bidez onesten baita 345 aitorten eredia, borondatezko gizarte aurreikuspeneko erakundeek eta erakunde horietako bazkide babesleek, pentsio funtsen erakunde kudeatzaileek, pentsio planen sustatzaileek, gizarte aurreikuspeneko ordezkari sistemak heldu dieten enpresek edo erakundeek eta gizarte aurreikuspeneko mutualitateek urtero aurkeztu behar duten aitorten-eredua, hain zuzen, eta barne-orriak ordenadorez zuzenean irakurtzeko euskariez ordezkatzeko bete behar diren baldintzak eta diseinu fisikoak eta logikoak**

2000ko abenduaren 11ko 880 Foru Agindua aldatu da. Horren bidez, 345 eredia onesten da; hau da, honako hauek urtero aurkeztu behar duten aitorten eredia: borondatezko gizarte aurreikuspeneko erakundeek eta erakunde horietako bazkide babesleek, pentsio funtsen erakunde kudeatzaileek, pentsio planen sustatzaileek, gizarte aurreikuspeneko ordezkari sistemak heldu dieten enpresek edo erakundeek, eta gizarte aurreikuspeneko mutualitateek. Aldaketa hori, funtsean, gainerako zerga administrazioekin informazio truke egokia izateko eta, ondorioz, zerga kudeaketa hobetzeko beharrezkoak diren arau erreferentziak eguneratzeko eta egokitzapen teknikoak egiteko beharri zor zaio.

Horrela, foru agindu honek erabat integraturik arautzen du orain arte indarrean dagoen 345 ereduaren informazio aitortenari aplikatzekoa zaion araudia.

Zuzeneko Zergen Zerbitzuak egin duen txostena ikusi da.

Horregatik, dagozkidan ahalmenak erabiliz, honako hau,

#### XEDATZEN DUT

**Artikulu bakarra.** 2000ko abenduaren 11ko 880 Foru Agindua aldatu da, zeinaren bidez, 345 aitorten eredia onartzen da, borondatezko gizarte aurreikuspeneko erakundeek eta erakunde horietako bazkide babesleek, pentsio funtsen erakunde kudeatzaileek, pentsio planen sustatzaileek, gizarte aurreikuspeneko ordezkari sistemak heldu dieten enpresek edo erakundeek eta gizarte aurreikuspeneko mutualitateek urtero aurkeztu behar duten aitorten-eredua, hain zuzen, eta barne-orriak ordenadorez zuzenean irakurtzeko euskariez ordezkatzeko bete behar diren baldintzak eta diseinu fisikoak eta logikoak.

Aldaketa hauek egiten zaizkio 2000ko abenduaren 11ko 880 Foru Aginduari:

Bat. Gehitzen da "HARREMANETARAKO PERTSONAREN HELBIDE ELEKTRONIKOA" eremua, 160tik 209ra bitarteko posizioak dituen, foru aginduaren II. eranskinean jasotzen diren 345 ereduko diseinu fisiko eta logikoetako 1 motako erregistroan (deklaratzailearen erregistroa), haren edukia hau da (aldi berean, ZURIUNEAK eremuaren posizioak eguneratzen dira):

POSIZIOAK	IZAERA	EREMUEN AZALPENA
160-209	Alfanumerikoa	HARREMANETARAKO PERTSONAREN HELBIDE ELEKTRONIKOA Harremanetarako pertsonaren posta elektronikoaren helbidea adierazi behar da.
210-487	—	ZURIUNEAK

Bi. Aldatzen da "GAKOA" eremuaren azalpena, 82 posizioa duena, foru aginduaren II. eranskinean jasotzen diren 345 ereduko diseinu fisiko eta logikoetako 2 motako erregistroan (aitortuen erregistroa), honela idatzita geratuko da:

POSIZIOA	IZAERA	EREMUEN AZALPENA
82	Alfabetikoa	<p>GAKOA</p> <p>Gako zerrenda honetan dagokion gako alfabetikoa jarri behar da:</p> <p>BORONDATEZKO GIZARTE AURREIKUSPENERAKO ERAKUNDEAK / PENSIO FUNTSEN ERAKUNDE KUDEATZAILEAK:</p> <p>A. Bazkide arrunten eta partaideen ekarpenak.</p> <p>Gako hori borondatezko gizarte aurreikuspenerako erakundeetako (BGAE) bazkideen eta partaideen pensio planei egindako ekarpen pertsonalak idatzeko erabiliko da, edozein dela ere BGAE eta pensio plan mota. Era berean, gako hori erabiliko da jakinarazteko partaideek zer ekarpen egiten duten enpresak oro har ekarpenak egiten dituen enpleguko pensio plan berera. Horretarako, eremu horretarako adierazten diren azpigakoak erabiliko dira.</p> <p>B. Bazkide babesleen edo sustatzaileen kontribuzioak.</p> <p>Gako honekin identifikatu behar dira bazkide babesleek eta sustatzaileek enplegu sistema edo modalitateetan egin eta bazkide arruntei eta partaideei zerga ondoreetarako egotzi zaizkien kontribuzioak, baita enpresa kontribuzioak ere, zerga ondoreetarako egotzi ezin zaizkien eta salbuespenez eginak, azaroaren 29ko 1/2002 Legegintzako Errege Dekretuak onetsitako Pensio Planak eta Fondoak arautzen dituen Legearen testu bateratuaren 5.3.c) artikuluan aurrez ikusitakoarekin bat etoriz. Honen barruan sartzen dira, halaber, susta tzaileek berrorekatzeko planak burutzeko egindako enpresa kontribuzioak, aipatutako Pensio Planak eta Funtzak arautzen dituen Legearen testu bateratuaren 4 eta 6. xedapen iragankorrari helden direnak, baita sustatzaileek berrorekatzeko planak burutzeko egindako ekarpenak ere, Pensio Plan eta Funtsei buruzko 8/1987 Legeko lehen xedapen iragankorrari helden direnak.</p> <p>Gakoaren arabera ("A" edo "B"), erregistro bereizietan jaso behar dira % 65eko edo gehiagoko desgaitasun fisikoa edo sentsoriala edo % 33ko edo hortik gorako desgaitasun psikikoa duten pertsonak, eta, Kode Zibilaren 1. liburuko XI. tituluaren xedatutakoaren esparruan, ordezkari zehatzak duen kuradoretzaren mende dauden pertsonak ordaindutako kopuruak. Gogoan izan kasu horietan nahitaez adierazi behar dela onuradunaren IFZ. Ekarlea desgaitua bera izan daiteke, edo ahaideren bat, zuzeneko zein laugarren gradurainoko albo lerrokoa, edo ezkontidea, edo tutorea nahiz harrera egilea, edo sustatzailearen bat. Ekarlea ez sustatzailea ez ezindua bera ez bada, onuradunaren IFZ ez ezik "A" gakoa ere jarri behar da. BGAE-EN BAZKIDE BABESLEAK / PENSIO PLANEN SUSTATZAILEAK</p> <p>C. Bazkide babeslearen edo sustatzailearen ekarpen kengarriak.</p> <p>Gako hau erabiliko da BGAEetako bazkide babesleen eta enplegu sistemako pensio planen sustatzaileen ekarpenak adierazteko, baldin eta zerga pertsonaletan kengarriak badira eta bazkide arruntei eta partaideei fiskalki egotzen bazaizkie (langilearen erabaki baten ondorio izan ala ez).</p> <p>Horrez gain, gako hau erabiliko da, halaber, enpresaburu indibidualak edo profesionalak BGAEei eta pensio planei egiten dizkien ekarpen adierazteko, baldin eta entitate eta plan horien bazkide babesle eta bazkide arrunt zein sustatzaile eta partaidea ere bada, eta ekarpen horiek bere zerga pertsonaletan kengarriak badira. Horretarako, kasu bakoitzerako aurreikusitako azpigakoak erabiliko dira.</p> <p>ORDEZKO SISTEMEI HELDU DIETEN ENPRESAK EDO ERAKUNDEAK</p> <p>D. Enpresa edo erakundearen ekarpenak eta zuzkidurak.</p> <p>GIZARTE AURREIKUSPENERAKO MUTUALITATEAK</p> <p>E. Profesionalak edo banakako enpresariak ordaindutako kopuruak, murrizketa eskubidea ematen dutenak.</p> <p>Gako honekin jaso behar dira profesionalak edo banakako enpresariak ordaindutako kopuruak, baita lehenean mailarainoko odolkidetasuneko ahaideek eta aipatutako mutualitateetako langileek ordaindutakoak, hain zuzen ere, azaroaren 29ko 1/2002 Legegintzako Errege Dekretuak onetsitako Pensio Planak eta Fondoak arautzen dituen Legearen testu bateratuan aurrez ikusten diren arriskuak estaltzeko direnean.</p> <p>F. Besteren konturako langileek edo bazkide langileek ordaindutako kopuruak, murrizketa eskubidea ematen dutenak.</p> <p>Gako hau jarrita adierazi behar dira soil-soilik besteren konturako langileek edo bazkide langileek pensio planetarako gizarte aurreikuspen sistema alternatibo gisa diharduten gizarte aurreikuspeneko mutualitateei ordaindutako kopuruak, hain zuzen ere azaroaren 29ko 1/2002 Legegintzako Errege Dekretuak onetsitako Pensio Planak eta Fondoak arautzen dituen Legearen testu bateratuan aurrez ikusten diren arriskuak estaltzeko direnean, aipatutako langileentzako langabezia barne.</p> <p>G. Sustatzaileak ordaindutako kopuruak.</p> <p>Gako hau jarrita adierazi behar dira sustatzaileak ordaindutako kopuruak, baldin eta langileari zerga ondoreetarako lan etekinen kontzeptuan eragozten badira, Pertsona Fisikoen Errentaren gaineko Zergaren zerga oinarria murrizten badute eta Pensio Planak eta Fondoak arautzen dituen Legearen testu bateratuko lehen xedapen gehigarrian aurrez ikusitakoarekin bat etoriz burutzen badira, aipatutako langileen langabezia barne.</p> <p>Gakoaren arabera ("E", "F" edo "G"), erregistro bereizietan jaso behar dira % 65eko edo gehiagoko desgaitasun fisikoa edo sentsoriala edo % 33ko edo hortik gorako desgaitasun psikikoa duten pertsonak, eta, Kode Zibilaren 1. liburuko XI. tituluaren xedatutakoaren esparruan, ordezkari zehatzak duen kuradoretzaren mende dauden pertsonak ordaindutako kopuruak. Gogoan izan kasu horietan nahitaez adierazi behar dela onuradunaren IFZ. Ekarlea desgaitua bera izan daiteke, edo ahaideren bat, zuzeneko zein laugarren gradurainoko albo lerrokoa, edo ezkontidea, edo tutorea nahiz harrera egilea, edo sustatzailearen bat. Desgaitua modu bakar eta ezeztazinean izendatu behar izan da onuradun. Ekarlea ez sustatzailea ez desgaitua bera ez bada, ekarpena erregistro berezian zehaztu behar da, eta onuradunaren IFZ ez ezik "E" edo "F" gakoa jarri behar da.</p>

POSIZIOAK	IZAERA	EREMUEN AZALPENA
82	Alfabetikoa	<p><b>ASEGURATUTAKO AURREIKUSPEN PLANAK</b>  H. Aseguratutako aurreikuspen planetarako primak.  Pertsona Fisikoen Errentaren gaineko Zergaren Arautegiari buruzko Foru Arauaren 70.1.5. artikulua jasotzen duen aseguratutako aurreikuspen planetarako ezarri diren primen zenbatekoa jarriko da. Erregistro independenteetan jaso beharko dira honako hauen alde eratzten diren aurreikuspen plan aseguratuei ordaindutako primak: % 65eko edo gehiagoko desgaitasun fisikoa edo sentsoriala edo % 33ko edo hortik gorako desgaitasun psikikoa duten pertsonak, eta, Kode Zibilaren 1. liburuko XI. tituluaren xedatutakoaren esparruan, ordezkatzeko ahalmena duen kuradoretzaren mende dauden pertsonak. Horrelako kasuetan, nahitaez ezarri behar da onuradunaren IFZ.  Prima ordaintzen duena desgaitua bera izan daiteke, edo haren ahaide zuzena, edo laugarren mailarainoko zehar-ahaidea, bai eta ezkontidea ere, edo tutoretza zein harrera erregimenean duen pertsona. Desgaitua onuradun gisa agertu behar du, era garbi eta ezeztazinean. Prima ordaindu duena desgaitua bera ez den beste pertsona bat bada, prima horren ordainketa erregistro independente baten bidez gauzatu da; horretarako, "H" gakoia ezarri beharko da, bai eta onuradunaren IFZ ere.</p> <p><b>AURREZPEN SISTEMATIKOKO BANAKAKO PLANAK</b>  I. Aurrezpen sistematikoko banakako planei ordaindutako guztizko primak.  <b>ENPRESAKO GIZARTE-AURREIKUSPENEN PLANAK</b>  J. Enpresako gizarte-aurreikuspeneko planei ordaindutako primak.  Erregistro independenteetan jaso beharko dira, azpigakoaren arabera, honako hauen alde eratzten diren enpresako gizarte aurreikuspeneko planei ordaindutako primak: % 65eko edo gehiagoko desgaitasun fisikoa edo sentsoriala edo % 33ko edo hortik gorako desgaitasun psikikoa duten pertsonak, eta, Kode Zibilaren 1. liburuko XI. tituluaren xedatutakoaren esparruan, ordezkatzeko ahalmena duen kuradoretzaren mende dauden pertsonak. Kasu horietan, ezinbestekoa da onuradunaren IFZ kontsignatzea. Prima ordaintzen duena desgaitua bera izan daiteke, edo haren ahaide zuzena, edo laugarren mailarainoko zehar-ahaidea, bai eta ezkontidea ere, edo tutoretza zein harrera erregimenean duen pertsona. Desgaitua bera modu bakarrean eta salbuespenik gabe izendatu behar dute onuradun. Prima ordaintzen duena desgaitua bera ez den beste pertsona bat izanez gero, primaren ordainketa aparteko erregistro baten bitartez kontsignatuko da, eta "J" gakoia eta onuradunaren IFZ adierazi beharko dira.</p> <p><b>MENDEKOTASUN-ASEGURUAK</b>  K. Hartzailerek Pertsona Fisikoen Errentaren gaineko Zergaren Foru Aginduko 70.1.7. artikuluan zehaztutako mendekotasun larriko edo mendekotasun handiko arriskua estaltzen duten aseguru pribatuei ordaindutako primak.  Erregistro independenteetan jaso beharko dira honako hauen alde eratzten diren aipatutako mendekotasun aseguru ordaindutako primak: % 65eko edo gehiagoko desgaitasun fisikoa edo sentsoriala edo % 33ko edo hortik gorako desgaitasun psikikoa duten pertsonak, eta, Kode Zibilaren 1. liburuko XI. tituluaren xedatutakoaren esparruan, ordezkatzeko ahalmena duen kuradoretzaren mende dauden pertsonak. Kasu horietan, ezinbestekoa da onuradunaren IFZ kontsignatzea. Prima desgaitua berak ordaindu ahal du, zuzeneko senideren batek edo laugarren mailaraino zeharkakoren batek, hirugarren mailakoak barne, edota desgaitua tutoretza edo harrera erregimenean duten ezkontide edo bestelakoek. Ezgaitua modu bakarrean eta salbuespenik gabe izendatu behar dute onuradun. Prima ordaintzen duena ezgaitua ez den beste pertsona bat izanez gero, primaren ordainketa aparteko erregistro baten bitartez kontsignatuko da, eta "K" kodea eta onuradunaren IFZ adierazi beharko dira.</p> <p>L. Mendekotasuneko aseguru kolektiboak ordaindutako primak.  Erregistro independenteetan jaso beharko dira Pertsona Fisikoen Errentaren gaineko Zergari buruzko azaroaren 27ko 33/2013 Foru Arauaren 70.1.7 artikulua azken aurreko paragrafoan aipatzen diren mendekotasuneko aseguru kolektiboak ordaindutako primak.  Aseguru horiek azaroaren 29ko 1/2002 Legegintzako Errege Dekretuak onetsi zuen Pentsio Planak eta Funtzak arautzeko Legearen Testu Bateginaren lehen xedapen gehigarrian adierazitako baldintzak bete beharko dituzte, eta aseguru-hartzailen gisa enpresa soilik agertuko da, eta aseguratua eta onuraduna langilea izango da.</p> <p>M. <b>BANAKAKO PENTSIONEN PRODUKTU PANEUROPAREN SUSTATZAILAK (PEPP)</b>  Aurreztaileek banakako pentsioen produktu paneuroparrei egindako ekarpenak (PEPP).  Gako honekin lotu behar dira Banakako pentsioen produktu paneuropar bati buruzko Europako Parlamentuaren eta Kontseiluaren 2019ko ekainaren 20ko 2019/1238 (EB) Erregelamenduan araututako banakako pentsioen produktu paneuroparren kontuetan eta azpikontuetan aurreztaileek egindako ekarpenak.</p>

Hiru. Aldatzen da "AZPIGAKOA" eremuaren azalpena, 83tik 84ra bitarteko posizioak dituen, foru aginduaren II. eranskinean jasotzen diren 345 ereduko diseinu fisiko eta logikoetako 2 motako erregistroan (aitortuen erregistroa), honela idatzita geratuko da:

POSIZIOAK	IZAERA	EREMUEN AZALPENEA
83-84	Numérico	<p>AZPIGAKOA</p> <p>"A", "B", "C", "D", "E", "F", "G", "I", "J" eta "L" gakoak direnean, dagokion zenbaki azpigakoa idatzi behar da, zerrenda honen arabera:</p> <p>"A" gakoari dagozkion ekarpenetan erabili beharreko azpigakoak:</p> <p>01. Azpigako hau idatzi beharko da, baldin eta partaideek edozein modalitateko pentsio planetara egindako ekarpenak badira, 02 azpigakoan aipatutakoak izan ezik.</p> <p>02. Azpigako hau idatzi beharko da, baldin eta langileen ekarpenak eta enpresak oro har egiten dituen kontribuzioak enplegu sistemako pentsio plan berera egiten direnean.</p> <p>10. Azpigako hau kontsignatuko da gizarteurreikuspen boluntarioko entitateentzako ekarpenei buruz ari garenean.</p> <p>"B". gakoari dagozkion ekarpenetan erabili beharreko azpigakoak:</p> <p>10. Azpigako hau kontsignatuko da gizarteurreikuspen boluntarioko entitateentzako kontribuzioei buruz ari garenean.</p> <p>"C". gakoari dagozkion ekarpenetan erabili beharreko azpigakoak:</p> <p>01. Azpigako honetan idatzi beharko da, baldin BGAEko bazkide babesleen edo lan sistemako pentsio planaren sustatzaileen ekarpenak —haien zerga pertsonaletatik kengarri direnak— badira, eta baldin, hurrenez hurren, zergen aldetik bazkide arruntei edo partaideei egotzen bazaizkie.</p> <p>02. Azpigako hau erabiliko da enpresaburu indibidualak edo profesionalak BGAEei eta pentsio planei egiten dizkien ekarpen propioak adierazteko, baldin eta entitate eta plan horien bazkide babesle eta bazkide arrunt zein sustatzaile eta partaide ere bada, eta ekarpen horiek bere zerga pertsonaletan kengarriak badira.</p> <p>03. Azpigako hau jasoko da BGAEra eta enplegu sistemako pentsio planera egindako ekarpenen kasuan, baldin eta ekarpen horiek langilearen erabaki baten ondorio badira eta harentzat gauzako ordainsariak badira.</p> <p>04. Azpigako hau jarri behar da enpresa kontribuzioak direnean, partaideei edo onuradunei zerga ondoreetarako egotzi ezin zaizkien eta salbuespenez eginak, azaroaren 29ko 1/2002 Legegintzako Errege Dekretuak onetsitako Pentsio Planak eta Fondoak arautzen dituen Legearen testu bateratuaren 5.3.c) artikuluan aurrez ikusitakoarekin bat etorriz. Era berean, azpigako hau jarri behar da enpresak lehendik hartutako pentsioen ziozko konpromisoak bideratzeko egindako kontribuzioak direnean, kenkari mugapekoak dituztenak, sustatzaileek berrorekatzeko planak burutzeko egindakoak, aipatutako Pentsio Planak eta Funtzak arautzen dituen Legearen testu bateratuaren 4 eta 6. xedapen iragankorriari heltzen direnak.</p> <p>Azpigako hau jarri behar da, berebat, kontribuzioak sustatzaileek Pentsio Plan eta Funtsei buruzko 8/1987 Legeko lehen xedapen iragankorriari heldutako berrorekatzeko planak burutzeko eginak direnean.</p> <p>"D" gakoari dagozkion ekarpenetan eta zuzkiduretan erabili beharreko azpigakoak:</p> <p>01. Azpigako honetan idatziko da baldin sustatzailearen Zerga pertsonalean kengarriak ez diren ordeko sistemetara egindako ekarpenak badira, eta zerga aldetik langileei egotzi ez zaizkienak, 190 ereduan kontura egindako jenerotako ordainketatzat jarri gabe.</p> <p>02. Azpigako hau jarri behar da enpresak lehendik hartutako pentsioen ziozko konpromisoak bideratzeko egindako aseguru kontratueterako kontribuzioak direnean, langileei zerga ondoreetarako egotzi ezin zaizkien eta kenkaririk jaso ezin dezaketanak, azaroaren 29ko 1/2002 Legegintzako Errege Dekretuak onetsitako Pentsio Planak eta Fondoak arautzen dituen Legearen testu bateratuaren lehen xedapen gehigarrian xedatutakoarekin bat etorriz.</p> <p>03. Azpigako hau jarri behar da enpresak lehendik hartutako pentsioen ziozko konpromisoak bideratzeko egindako kontribuzioak direnean, onuradunei zerga ondoreetarako egotzi ezin zaizkienak eta sustatzailearen zerga pertsonalaren kengarriak direnak, azaroaren 29ko 1/2002 Legegintzako Errege Dekretuak onetsitako Pentsio Planak eta Fondoak arautzen dituen Legearen testu bateratuaren bosgarren xedapen iragankorreko 5 idatz zatien xedatutakoarekin bat etorriz.</p> <p>"E" gakoari dagozkion ekarpenetan eta zuzkiduretan erabili beharreko azpigakoak:</p> <p>01. Azpigako hau jarri beharko da enpresaburu indibidualak edo profesionalak gizarte aurreikuspeneko mutualitateari egindako ekarpen propioak direnean, eta, era berean, enpresaburu hori mutualitatearen sustatzailea eta mutualista ere baldin bada.</p> <p>02. Azpigako hau jarri beharko da profesionalak edo banakako enpresaburuek ordaindutako zenbatekoak direnean, baldin eta murrizketa jasotzeko eskubidea ematen badute, eta 01 azpigakoan aipatutakoak baldin ez badira.</p> <p>"F" gakoari dagozkion ekarpenetan eta zuzkiduretan erabili beharreko azpigakoak:</p> <p>01. Azpigako hau jarri beharko da gizarte aurreikuspeneko mutualitatei ordaindutako zenbatekoak direnean, baldin eta mutualitate horiek jarduten badute besteren konturako langileei edo bazkide langileei dagozkien pentsio planen gizarte aurreikuspeneko sistema aldatutako gisa, Pentsio Planak eta Funtzak Arautzeko Legearen testu bateginaren 8.6 artikuluan aurreikusitako kontingentziak estaltzea xede duen zatian, langile horien langabezia barne, 02 azpigakoan jaso behar ez badira.</p> <p>02. Azpigako hau jaso beharko da langileen ekarpenak eta enpresak oro har egindako kontribuzioak gizarte aurreikuspeneko mutualitate berera egiten direnean.</p>

POSIZIOAK	IZAERA	EREMUEN AZALPENA
83-84	Numérico	<p>"G" gakoari dagozkion ekarpenetan eta zuzkiduretan erabili beharreko azpigakoak:</p> <p>01. Azpigako hau jarri beharko da, bazkide babesleak eta sustatzaileak ordaindutako eta langileari zerga bidez lan etekin gisa egotzitako zenbatekoak direnean, pertsona fisikoen errentaren gaineko zergaren zerga oinarrian murrizketa izateko eskubidearekin.</p> <p>02. Azpigako hau jarriko da bazkide babesleak eta sustatzaileak ordaindutako zenbatekoen kasuan, baldin eta kopuru horiek langilearen erabaki baten ondorio badira eta langile horrentzako gauzako ordainsariak badira.</p> <p>"I" gakoari dagozkion ordaindutako primetan erabili beharreko azpigakoak:</p> <p>01. Azpigako hau kontsignatuko da hartzaileek pertsona fisikoen errentaren gaineko zergaren Foru Aginduko laugarren xedapen gehigarrian zehaztutako aurrezpen sistematikoko banakako planei egindako ekarpenen kasuan.</p> <p>02. Azpigako hau kontsignatuko da hartzaileek pertsona fisikoen errentaren gaineko zergaren Foru Aginduko hamabigarren xedapen gehigarrian zehaztutako aurrezpen sistematikoko banakako plan bihurtzen diren aseguru-kontratuak egindako ekarpenen kasuan. Gako hori kontsignatuz gero, aseguru-entitateak urtean primetan ordaindutako gehieneko mugaren baldintza, pertsona fisikoen errentaren gaineko zergaren araudiko 123.10.d) artikuluan zehaztutakoa, betetzen dela adieraziko du.</p> <p>"J" gakoari dagozkion ordaindutako primetan erabili beharreko azpigakoak:</p> <p>01. Azpigako hau kontsignatuko da pertsona fisikoen errentaren gaineko zergaren Foru Aginduko 70.1.6. artikuluan zehaztutako enpresako gizarte-aurreikuspeneko planen aseguratuek egindako ekarpenen kasuan.</p> <p>02. Azpigako hau jarriko da enpresak egindako ekarpenak direnean, baldin eta ekarpen horiek langilearen erabaki baten ondorio badira eta langile horrentzako gauzako ordainsariak badira.</p> <p>03. Azpigako hau kontsignatuko da pertsona fisikoen errentaren gaineko zergaren Foru Aginduko 70.1.6. artikuluan zehaztutako enpresako gizarte-aurreikuspeneko planen hartzaileek egindako ekarpenen kasuan, fisikoki partaideei egotziko zaizkienean.</p> <p>04. Azpigako hau jarri beharko da, baldin eta banakako enpresaburuaren edo profesionalen ekarpen propioak direnean Pertsona Fisikoen Errentaren gaineko Zergari buruzko Foru Arauaren 70.1.6 artikuluan aipatzen den enpresaren gizarte aurreikuspeneko plan batean, eta, era berean, plan horren hartzailea eta aseguratua ere baldin bada.</p> <p>"L" gakoari dagozkion ordaindutako primetan erabili beharreko azpigakoak:</p> <p>01. Azpigako hau jarri beharko da enpresak Pertsona Fisikoen Errentaren gaineko Zergari buruzko Foru Arauaren 70.1.7. artikuluan azken aurreko paragrafoan aipatzen diren mendekotasun aseguru kolektiboak ordaindutako primen kasuan.</p> <p>02. Azpigako hau jarri beharko da enpresaburu indibidualak edo profesionalak mendetasuneko aseguru kolektiboetara egindako ekarpen propioak direnean, eta, era berean, aseguru hartzaile eta aseguruarena ere baldin bada.</p> <p>03. Azpigako hau jarriko da langile enpresak egindako ekarpenak direnean, baldin eta ekarpen horiek langilearen erabaki baten ondorio badira.</p> <p>Gogoan izan: Pentsio Planen, Gizarte Aurreikuspeneko Mutualitateen eta Enpresako Gizarte Aurreikuspeneko Planen antzeko prestazio estaldurako sistemetara egindako enpresa ekarpen eta zuzkidurak —zergen aldetik langileei egotzekoak direnak— ez dira 345 eredu honetan sartuko, baizik eta 190 ereduaren (lan-etekinengatik, zenbait ekonomia jardueren etekinengatik eta sariengatik PFEZaren kontura egindako atxikipenen eta sarreraren urteko laburpenarena).</p>

Lau. Aldatzen da "ONURADUN DESGAITASUNAREN IFZ" eremuaren azalpena, 85tik 93ra bitarteko posizioak dituen, foru aginduaren II. eranskinean jasotzen diren 345 ereduko diseinu fisiko eta logikoetako 2 motako erregistroan (aitortuen erregistroa), honela idatzita geratuko da:

POSIZIOAK	IZAERA	EREMUEN AZALPENA
85-93	Alfanumerikoa	<p>ONURADUN DESGAITASUNAREN IFZ</p> <p>Onuradunaren IFZ adierazi behar da, % 65eko edo gehiagoko desgaitasun fisikoa edo sentsoriala edo % 33ko edo hortik gorako desgaitasun psikikoa duten pertsonak, eta, Kode Zibilaren 1. liburuko XI. tituluaren xedatutakoaren esparruan, ordezkatzeko ahalmena duen kuradoretzaren mende dauden pertsonak, baldin eta modu bakar eta ezeztazinean onuradun gisa izendatu bada. Hori guztia, betiere, PFEZren Foru Arauko 74. artikuluan ezarritakoa betez. Ekarlea desgaitua bera izan daiteke, edo ahaideren bat, zuzeneko zein laugarren gradurainoko albo lerrokoa, edo ezkontidea, edo tutorea nahiz harrera egilea, edo sustatzailearen bat. Agertzen den pertsona edo erakunde bakoitzaren ekarpenak erregistro batean adierazi behar dira.</p> <p>Eremu hau eskuinean lerrokatuko da, kontrol karakterea azkenean jarriko da, eta ezkerreko zuriuneetan zeroak jarriko dira, IFZren betekizunak araupetu dituen uztailaren 8ko 71/2008 Foru Dekretuan ezarritako arauarekin bat etorritik (ALHAO, 88. zk., 2008ko abuztuaren 4koa).</p>

Bost. Gehitzen da "M GAKORAKO DATU GEHIGARRIAK"; 190tik 270ra bitarteko posizioak dituen, foru aginduaren II. eranskinean jasotzen diren 345 ereduko diseinu fisiko eta logikoetako 2 motako erregistroan (aitortuen erregistroa), haren edukia hau da:

POSIZIOAK	IZAERA	EREMUEN AZALPENA
190-270	Alfanumerikoa	"M" GAKORAKO DATU GEHIGARRIAK Datu gehigarri horiek "M" gakoaren ekarpenetarako baino ez dira beteko.
		190-229. PEPPren IZENA 40 kokalekutako eremu alfanumerikoa. Aitortutako ekarpenak egin diren banakako pentsioen produktu paneuroparrari (PEPP) dagokiona idatzi behar da.
		230-269. PEPP-REN INSKRIPZIO ZENBAKIA 40 kokalekutako eremu alfanumerikoa. Banakako pentsioen produktu paneuroparra erregistro publiko zentratean modu unibokoan identifikatzen duen erregistro zenbakia jaso behar da. Erregistro hori Banakako pentsioen produktu paneuropar bati buruzko Europako Parlamentuaren eta Kontseiluaren 2019ko ekainaren 20ko 2019/1238 (EB) Erregelamenduak aipatzen du 13. artikuluan.
		270. KONTUA/AZPIKONTUA Eremu hau balio hauetako bat adieraziz beteko da:
		C. Jakinarazten diren ekarpenak Banakako pentsioen produktu paneuropar bati buruzko Europako Parlamentuaren eta Kontseiluaren 2019ko ekainaren 20ko 2019/1238 (EB) Erregelamenduan araututako banakako pentsioen produktu paneuroparren kontu batera egiten badira.
S. Jakinarazten diren ekarpenak Banakako pentsioen produktu paneuropar bati buruzko Europako Parlamentuaren eta Kontseiluaren 2019ko ekainaren 20ko 2019/1238 (EB) Erregelamenduan araututako banakako pentsioen produktu paneuroparren azpikontu batera egiten badira.		

Sei. Gehitzen da "60.000 EUROTIK BEHERAKO LAN ETEKIN OSOAK"; 271 posizioa duena, foru aginduaren II. eranskinean jasotzen diren 345 ereduko diseinu fisiko eta logikoetako 2 motako erregistroan (aitortuen erregistroa), haren edukia hau da:

POSIZIOA	IZAERA	EREMUEN AZALPENA
271	Alfabetikoa	60.000 EUROTIK BEHERAKO LAN ETEKIN OSOAK Eremu hau "X" bat idatziz bete behar da, baldin eta langileak ekitaldian 60.000 eurotik gorako lan etekin osoak lortzen ez baditu ekarpena egiten duen enpresatik. Azpigakoak A02, C01, C03, F02, G01, G02, J01, J02 edo J03 badira soilik eduki ahal izango du edukia eremu honek.

Zazpi. Gehitzen da "GIZARTE AURREIKUSPENEN SISTEMAREN SUSTATZAILEA EDO HARTZAILEA DEN ENPLEGATZAILEAREN IDENTIFIKATZEKO DATUAK"; 272tik 320ra posizioak dituen, foru aginduaren II. eranskinean jasotzen diren 345 ereduko diseinu fisiko eta logikoetako 2 motako erregistroan (aitortuen erregistroa), haren edukia hau da:

POSIZIOAK	IZAERA	EREMUEN AZALPENA
272-320	Alfanumerikoa	GIZARTE AURREIKUSPENEN SISTEMAREN SUSTATZAILEA EDO HARTZAILEA DEN ENPLEGATZAILEAREN IDENTIFIKATZEKO DATUAK Azpigakoak A02, F02, G01, G02, J01, J02 edo J03 badira soilik eduki ahal izango du edukia eremu honek. Eremu honek bi zati ditu: 272-280. ENPLEGATZAILEAREN IFZ 9 kokalekutako eremu alfanumerikoa. Ekarpenak egiten diren gizarte aurreikuspeneko sistemaren sustatzailea edo hartzailea den enplegatzailearen IFZ idatzi behar da. Eremu hori eskuinera lerrokatuta egongo da. Azken posizioa kontrol karaktereari dagokio. Ezkerreko posizioak zeroz beteko dira. 281-320. ENPLEGATZAILEAREN IZEN-ABIZENAK EDO SOZIJETATEAREN IZENA 40 kokalekutako eremu alfanumerikoa. Ekarpenak egiten diren gizarte aurreikuspeneko sistemaren sustatzailea edo hartzailea den enplegatzailearen izen-abizenak edo sozietatearen izena idatzi behar dira.

Zortzi. Gehitzen da "FINANTZA MUGEN GAINEKO GEHIEGIZKO EKARPENENGATIKO ITZULKETAK"; 321 posizioa duena, foru aginduaren II. eranskinean jasotzen diren 345 ereduko diseinu fisiko eta logikoetako 2 motako erregistroan (aitortuen erregistroa), haren edukia hau da (aldi berean, "EZKONTIDE EDO IZATEZKO BIKOTEKIDE ONURADUNAREN IFZ" eta "ZURIUNEAK" eremuen posizioak eguneratzen dira):

POSIZIOAK	IZAERA	EREMUEN AZALPENA
321	Alfabetikoa	FINANTZA MUGEN GAINEKO GEHIEGIZKO EKARPENENGATIKO ITZULKETAK Eremu hau "X" bat idatziz bete behar da, baldin eta ordezkotza aitortzen bada eta deklaraturako erregistroan "ZENBATEKOA" (94-106 posizioak) eremuan hasieran aitortutako zenbatekoa zuzentzen bada, otsailaren 20ko 304/2004 Errege Dekretuaren bidez onartutako Pentsio Plan eta Funtsen Erregelamenduaren 6.3 artikuluan ezarritako epea aplikatuz muga finantzarioen gaineko gehiegizko ekarpenengatiko itzulketak direla eta. Beste edozein kasutan, zuriunez bete behar da.
322-330	Alfanumerikoa	EZKONTIDE EDO IZATEZKO BIKOTEKIDE ONURADUNAREN IFZ Aitortuaren ezkontidea edo izatezko bikotekidea Zergari buruzko Foru Arauko 70. artikuluan ezarritako gizarte aurreikuspeneko sistemetako bateko bazkidea, partaidea, mutualista edo titularra bada eta aitortuak ekarpenak egin baditu, haren IFZ zehaztu behar da.
331-500	—	ZURIUNEAK

#### AZKEN XEDAPENA

Foru agindu honek ALHAOn argitaratu eta hurrengo egunetik aurrera izango du indarra, eta 2024ko urtarrilaren 1etik aurrera aurkezten diren eragiketei aplikatuko zaie lehenengo aldiz, 2023. urteko informazioari dagokionez.

Vitoria-Gasteiz, 2023ko abenduaren 21a

*Bigarren diputatu nagusiorde eta Ogasun, Finantza eta Aurrekontu Saileko foru diputatua*  
**ITZIAR GONZALO DE ZUAZO**

*Ogasun zuzendaria*  
**MARÍA JOSÉ PEREA URTEAGA**